



Kamis, 16 Pebruari 2023
Ogen : Kejadin 18:1-9



Metemue



Mejile dingen metemue. Enda me Sara. La terjeng iakui kinijilenna, tapi sepengodak kel ia ras perbulangenna bas nikapken kerina simehulina man kalak si reh ku bas jabuna. Sekali jadi i Mamre Abraham sangana kundul-kundul, wari sangana seh lasna. Paksa ia jurgak idahna 3 kalak tedis i lebena. Langga bo itandaina tapi minter kel ialo-alona, ipindokenna maka ia ngidangi kalak kenca si e kuskas ia nikapken kerinana. Isuruhna Sarai nikapken nasakken roti i bas tepung si mejilena nari, rikut nikapken kerina pangan si entabehna man pangan temue e.

Arah si enda teridah maka Abraham ras Sara meriah kel ukurna kalak reh ku jabuna, labo lit bas ukurna e jadi urusen (erbahanca repot), entah merugiken (baik secara materi bage pe secara tenaga), la lit kelsehen tapi tuhu-tuhu malem atena kalak banci reh ku jabuna. Enda me metemue; nikapken kerina simehulina nandangi kerina si reh ku jabu. Adi sioge siterusken ngoge kerna bahan ogenta wari enda teridah maka kenca kerina si mehuli ibereken Abraham ras Sara man temuena e, ialokenna me berita maka siwah bulan nari ia mupus anak. Anak si enggo ndekah itimaken ialoken kenca ia mereken pelayanen simehulina man kalak sideban. Kata Dibata enda mabai kita maka Dibata ngidah dingen mereken upah man ketulusen, keriahen ukur i bas ngelai kalak sideban. Bas kita la rahan-ahan mereken simehulina man kalak sideban, entah banci jadi labo sitandai, i je me Dibata pe ncidahkan pendahinNa nehken simehulina man kegeluhenta. Kai silakoken man kalak sideban (simusilna, silemah) e me perbahanenta man Dibata, e maka berikan yang terbaik.